

樹經堂詩初集

寄餘草

南康謝啟昆蘇潭

讀全唐詩仿元遺山論詩絕句一百首

大業初成攬雋賢
天葩秀發帝京篇
車書混一圖王會
破陣工歌被管絃

太宗

局收雙陸還聯句
宴賜葡萄更浴湯
戲馬吐蕃明悉獵
拈毫亦解賦恩光

中宗

劔峰昔渡勒飛銘
灌木仙雲繞翠屏
誰料烏啼花落後
道邊愁聽雨淋鈴

明皇

竹房松院韻幽清曲宴歡聯學士賡却笑排公臣莫及

親題等第進延英

德宗

甲夜披章乙夜吟
萃蕭跳脫討論深
自從甘露霑榴樹

春草春花慘上林

文宗

不因翰墨掩詩篇
飲露高桐夏日蟬
差勝遊韶洛隄上

野風閒詠月明天

虞世南

擣衣瑟瑟怨秋空
苦調從征是正風
花落明年顏色改

至今人恨白頭翁

劉希夷

窈娘歌舞劇堪憐
竹葉蒲花訂百年
一代風騷遭酷吏

畫樓淒絕綠珠篇

喬知之

鳳閣人稱大手筆金樞獻媚頌鑿坡山川滿目汾陰曲

才子空憐水調歌

李嶠

鬪雞揮就一篇檄倚馬吟成四韻詩暮雨珠簾江閣上

海波憑弔結幽期

王勃

恥居王後愧盧前文思源源似湧泉優劣分明驗沈靜

考終端合讓盈川

楊炯

典籤其羨得相如太白山中自著書臥病長安多古意

五悲誰問子雲居

盧照鄰

敬業曾邀座上賓，咎歸宰相失斯人。樓觀海日江湖上，

鷺嶺清吟認後身。

駱賓王

感遇佳篇本嗣宗，丹砂金碧寶希逢。愴然淚下幽州客，

一齊梁藻麗濃。

陳子昂

合教屈宋作衙官，著作承恩土未乾。不見替人君莫恨，

拾遺千古獨登壇。

杜審言

并詞未礙擬迴波，嶺表歸來預宴多。聲病休嘗太嚴密，

四家萬古湧江河。

沈佺期 四家謂沈約 庾信 宋之問 及佺期也

明河皎皎咏昭回，照夜珠明月黑來。枉向北門求學士，

錦袍空負射鵰才

宋之問

翠羣雲牀枕紫煙不愁玉趾冰

去

寒泉草堂一卷嵩山

志消得詩人十載眠

盧鴻

燕許同稱製軼羣江山助我藻繽紛淒涼益部三千里

不記當時詠五君

張說

紅埃青蓋逐遊車會插巾花上玉除詞翰一家三絕擅

七郎致石六郎書

蘇頌

小雅愛讒海燕詩如君風度繫相思眼前有景誰能道

明月天涯共此時

張九齡

鹿門高唱暮山青雲夢波生接洞庭不是上書遭主棄

荷風竹露愛江亭

孟浩然

輕薄爲文俠客場狂兒無禮咏王昌樓頭太白空驚倒

更去金陵賦鳳凰

崔顥

詩中有畫畫中詩萬壑泉聲夜雨時如此文章寧不第

鬱輪枉遣試官知

王維

秋色濛濛萬古青慈恩塔勢倚瓏璣句奇體俊傾流輩

子美當時重典型

岑參

五十爲詩未恨遲燕歌慷慨發深悲向人磊落傾肝膽

萬里岷峨赴難時

高適

一片孤城萬仞山
旗亭貰酒唱伶官
平明送客連江雨

比似龍標七字難

王之渙

睢陽名將亦儒流
天地風塵一笛收
羽扇指揮春接戰

苦吟猶自帶邊愁

張巡

李侯佳句似陰鏗
天上珠璣咳唾成
諷諫欲回天子意

故將絕調譜清平

李白

古風哀怨激騷人
刪述千篇接獲麟
露草飛螢視郊島

空山流水見天真

相終堂詩集卷之六
興酣落筆戲滄洲笑傲能消萬古愁風月何須一錢買
春江變酒築糟邱

一生低首謝元暉如畫江城白練飛千古青山弔知己
建安風骨嗣音稀

詩祖休將詩律誇直憑史筆記年華捧心應笑東家子
無病呻吟學浣紗

杜甫

飯顆山頭太瘦生屋梁落月已吞聲同時海內相期許
寂寞千秋萬世名

文章于道未爲尊作者寥寥孰共論筆力直教餘地破

讀書萬卷是根原

清夜高歌泣鬼神長鏡託命蜀江濱餘波綺麗飛騰入
未信齊梁步後塵

長城五字德輿誇路入橫山犬吠花流落巴南傷蕙苳

獨憐湘水弔長沙

劉長卿

柳色龍池帶雨濃彈來歸雁月明中如何江上峰青句

十字人傳鬼咏工

錢起

山泉品味意蕭疎掃地焚香闔戶居野渡舟橫潮不至

空傳西澗到臨滁

韋應物

萬里投荒逐客孤，新詩一卷付官奴。
楚天夢斷黃鸝叫，

自起開籠放鷓鴣。

柳宗元

探得驪珠白，傅驚踏歌詞。
唱竹枝清鞞，碑柳雅終難敵。
鼓角晨雞入蔡城。

劉夢得

五言破的用偏師，九日山頭自咏詩。
不脫荷衣辭僕射，

剡川麗句幾人知。

秦系

仲文名竝渭南尉，帆送瀟湘去鳥稀。
落葉暮蟬聽不得，

令人却憶謝元暉。

郎士元

春愁暝色渚煙空，好景何人描寫工。
畢竟阿兄讓難弟，

漏聲遙在百花中

皇甫曾

柳色章臺似舊垂十年從事老臨淄東風寒食吟詩客

姓氏還勞御手批

韓翃

都尉風流座上逢百縑賜出賦詞濃飛泉亭子畱詩板

望裏巫山十二峰

李端

短歌哀怨韻珊珊梧葉題詩逐水還月窟天心驚意外

筆端欲貌海中山

顧况

漢家計拙是和戎咏史寧誇魏絳功獨恨驪歌湖上別

行雲掩泣動春風

戎昱

幽州從事本西涼投筆從軍意慨慷畫出屏風多好句

邊沙如雪月如霜

李益

綠野堂開麗景遲羞隨花草媚幽姿淮西底定報天子

女几山前刻石時

裴度

李杜光芒萬丈長乾坤刻劃擺雷硤元和聖德平淮頌

硬語盤空欲頽頽

韓愈

座中侯喜有詩聲石鼎宵吟直到明何物彌明狂道士
也來門下作蛙鳴

不怕西方佛骨靈豈慕華岳女郎形雲窗霧閣分明在

底事風懷賦會真

偕隱廬峯弟與兄圖成主客孟雲卿新詩禦暴皖江口

俠士猶傳博士名

李涉

火風山鬼過荒陬
蜿蜒同嘲蝮虺收一篋封書天子悟

量移恩詔下端州

李紳

詩思秋猿第一聲
厭原隱處道心生
煙蘿松月清無滓

六合搜羅見性情

施肩吾

公子詩輕萬戶侯
指揮端合失曹劉
一時傳唱六宮滿

卻被香山笑欸頭

張祐

界破青山瀑布懸興公妙語本天然宮詞薄豔唾承吉

村老吟花契樂天

徐凝

古詞瑟瑟鏘金石日月風騷百代新回首匡州齊下淚

平泉畫閣剩芳塵

李德裕

清華別第築歸仁劉白詩仙唱和新點竄文章稱後進

結成恩怨屬何人

牛僧孺

鳳閣同編舍人集宮闈春怨塞垣秋永昌茶肆冤誰雪

複壁圖書萬卷收

王涯

入室幾人能射雕武功官隱牛漁樵帶雲買石花兼蝶

酒臥空瓶笑寂寥

姚合

關西男子談兵事太息掀懷賈謚同詎意終爲樊上老

閒拈草木咏春風

杜牧

樽前一覺夢揚州十里珠簾半上鉤廿四橋邊月如水

脩脩禪榻鬢絲秋

同時體格尚西崑擣擗因人失本根分得浣花香一瓣

韓碑元氣塞乾坤

李商隱

寂寞空閨錦瑟長蓬山萬里怨劉郎寓言別有深情在

漫認無題賦采桑

雲藍數紙寫相思密進中書菩薩詞卻恨八叉成咏速

南華悔讀相公知

溫庭筠

丁卯橋頭月浸湖清吟一字一眞珠步虛聲裏昆侖路
可記飛瓊入夢無

許渾

使君感賦遣蛾眉雲反陽臺跡未移人語夕陽花外雨

一聲長笛倚樓時

趙嘏

辛苦憐人下第歸曾將泪滴老萊衣永魂雪魄杳難覓

桂子墳前花亂飛

劉得仁

舞腰眉翠折楊枝未有儂家一首詩推許長江笑劉白

文章得失寸心知

薛能

林亭幽趣愛王官裂月撐霆琢肺肝詩品入神超象外

銘勳麟閣遜詩壇

司空圖

紈扇爭題許洞庭楊花撲浪一溪青晚年得第身輕健

孤進還丹信有靈

許棠

蘭浦楓江蕩性情鳳凰縹緲夜吹笙子規啼破黃陵廟

洪井他年聞哭聲

李羣玉

淺水鳴榔倚釣車寒雲堆屋認樵家鹿門和罷江湖句

顧渚山深自煮茶

陸龜蒙

過雲相訪借書鈔
夜雨松陵膝與膠
間氣布衣多放誕

酒船鶴料未全拋

皮日休

承平故事朔津陽
酒盡燈殘邸客傷
白髮村翁閒話舊

淒涼玉笛怨三郎

鄭嵎

芳齋松島鏡湖春
滌骨銜肌鍊句新
漫許仲文誇入室

桐江三拜老詩人

方干

煙暖晴蕪唱鷓鴣
都官句好近時無
怪來詩格多僧字

半榻斜陽入畫圖

鄭谷

舊隱茅山兼笠澤
當時國士憶西州
慘聽長史吹蘆管

上苑花殘太液秋

吳融

槐省老郎似病蟬
苦吟僻澁倩誰憐
蓮花百葉衰詩卷
低首西川鑄浪仙

李河

詩僧江右數靈一
振派澄源孤韻幽
弔客無人書寄犬
白雲明月滿汀洲

僧靈徹

補史亭草上

南康謝啟昆蘇潭

補史亭四首

鷺峰吹異香使者初戾止

甲辰中秋日抵任

雙桐院宇清秋月

涼如水兼旬得休暇落葉掃棊几書屋小于舟十弓仍
舊址嘉石情稍達細帙庶可理斷獄貴引經義亦通于
史滴露研雌黃秉燭夜深起

夜夢彥深語風煙憫魏室九十二篇書欲救中興失卷
帙嗟散亡孰秉董狐筆拓拔遭播遷宇文肆篡竊嗤彼

賀六渾曹莽用一轍傷哉魏佛助舊君竟貶黜冤獄誰
爲伸吾將奮斧鉞

昔日簪丹管校書趨 內廷職司左右史日晏紅薇廳

承明隔廿載陳臬愧祥刑箴言勒

御製鑒心臣獨銘

署勒
鑑池銘

日心可鑑影不慚
御製按察使箴有

政簡空

階寂春草被幽庭舊業未甘廢高吟鶴來聽敢效遺山

叟野史名吾亭

胡君

謂雜
君

耽史籍蘇潭共風雨廢籠攜一編青燈照江

浦君爲風月賓我又湖山主編年紀四帝空齋匯萬古

凍水書法在紫陽義竊取山翠收小樓此亭恰可補勿
學驚蛺蝶移牀坐清暑

鷓鴣飛

百花洲上夜棲烏九里山頭啼鷓鴣宴樂憂勤兩亡國
越不赦吳吳赦越越王行成困會稽石室淒涼聽子規
越王歡笑君臣歸養成六翮東海飛六千君子水犀甲
萬馬奔潮向吳壓歌鐘奪得美人回舞衣仍換舊羅袂
已築離臺又賀臺諸侯執玉皆趨陪春滿五湖花似錦
吳宮月照越溪來計倪佯狂大夫死不記相從患難始

木系生言不身先一
上
噬人烏喙太無情，屬鏤之血濺江水泥滑滑行不得雨。
瀟瀟宮草碧，西陵樹老怨夷光。越亡畢竟後吳亡，南枝
啼苦月如霜。麋鹿來自姑蘇旁。

胥山潮

子胥未生潮已生，終古浪打錢唐城。子胥已死潮更駛，
鴟夷之革安能盛。抉目東門紫電開，素車白馬光徘徊。
漂波浸骨心不灰，中有百世忠魂哀。兄能成事弟不免，
閒道昭關足徒跣。鞭屍怒及楚平王，亡國聲吞越勾踐。
不思於楚忠於吳，甘爲公子進專諸。父讎已雪伏國誅。

百金未報江上漁私恩私怨徒區區生爲吳蓋臣歿爲
越明神江豚吹雪廢浦春墓上梓木高輪囷秋濤宮邊
秋月明焚香醜酒曲江迎公來兮山海黑公去兮山海
清此山此水被公名石姥難與胥母爭胥山之靈烈且
英兩浙之民歌太平

晏殊地輿記錢塘石姥祠祀
唐石瑰今爲芳林鄉潮王祠

錢王弩

婆留兒眞英武應斗牛鬱龍虎東海浪三千臨安民萬
戶跨江旣羅城築塘更砥柱板築未就江潮生疊雪樓
上翻蛟鯨影沙轉石功不成山陽之竹鴻鷺羽鋼鐵之

鏃水犀兵王怒一呼海水立潮頭不敢相抗衡王善用
兵如用弩鳥殪羅平血疊鼓王能禦敵如禦潮楊花荇
葉風瀟瀟下槌聲震水夷國避君三舍伍胥泣指揮組
練十三都千載鹽官尚屹立鼎沸中原不可收隻手莫
挽狂瀾流千里湖山終納土曷不彎弓射汴州

陌上花

銅丸夜警龍無睡稀聞宴樂春行圍錢王高唱還鄉曲
晉國初從陌上歸

文苑英華莊穆夫人進封晉國

歸日新粧臨石鏡翟

衣光竝錦衣映花開十里露初乾少時女伴爭來看功

臣山外爛如繡香塵不動人依舊年年芳草識雲駟緩
緩清歌遲玉漏武肅劇風流莊穆亦嘉柔不填西蜀花
藥句不學南唐豔妃游百縑之賜尚婉辭澣濯頰合國
風詩湖邊狼藉嬉春女金縷空慚折柳枝

浮門琴

浮門在寧海南百九十里紹興閒漁人於此獲琴以獻高宗見之淚下乃建炎

時航海所失也

青城一去帝不返百官叩馬聲如雷根括金銀及樂器
教坊部散同飛灰康王南渡事倉猝樓船竟過閬風臺
玉環已墮木棚外瑤琴流落松門隈昔當開寶全盛日

五絃奏御薰風迴渤海腔重嫌太濁兩儀六柱崇三垓
郊廟清歌叶寶瑟雲門大卷交和諧自從江山支半壁
梓桐初種難爲材那復雲韶辨律呂聊借金鼓傳喧歷
天寶遺事海青泣孟嘗悲曲雍門哀漁人何處得此琴
斷紋瑟縮凝秋苔制度未詳名象缺要會親見昇平來
故劍遺簪尚可惜况復顛沛相追陪艮岳鶯花一炬火
此物尚未隨餘煨宗祏不守六宮失區區綠綺胡爲哉
北望絕幕空風埃夜吹筆策中心摧一闕試彈歸雁引
九重夢落白龍堆

指南柏

浙江廉訪署傳是少保宅我居廳事旁夜雨鳴霹靂入
夢發奇光瞥見宋時柏枝枯尚倔僵指南不指北北風
蕭條海上迴魂自燕雲六州來百年萬里長城摧一日
十二金字牌咸陽毒何太酷莫須有三字獄皇天后土
鑒此忱精忠涅背堅柏心當時手植削青銅坐臥其下
陰重重丈八鐵槍百石弓指揮太行刺黑風飛來鄂渚
么麼空直抵黃龍飲諸公此柏定受將軍封冤獄竟成
長脚翁柏也慘淡無春容諸陵夜月冬青同墓上橘兩

枝墓畔檜分屍申王梓木如灰吹九原不見旌旗返大
厦難憑一木支

冬青樹

羊之月天地裂星在尾泣山鬼楊漣真珈總攝江南丞
相桑哥表裏貪婪勢燄薰天又欲炎發邱中郎將耽耽
有宋義士唐玉潛吞淚夜哭衣裳霑誰其從者林景與

鄭宗仁吾宗臯羽同聲應百畢治具邀少年文木裝函隱

名姓竹籬標記紫金牌竺國經傳幽夢證橋山落日鳥
號空門巷春風枯柳剩獨有冬青萬年枝曾聽諸陵石

馬嘶靈根移動龍蛇蟄杜宇聲寒帝魄歸珠雁黃腸已
灰燼玉匣蘭亭是耶非鎮南高塔起浮屠輦谷墳前蔓
草蕪白日蕭蕭寒食節馬箠起問憫骸無

東山屐

神仙中人八州督東土棲遲寄幽谷丈夫高世當如此
胡爲局踣駕丹轂半嶺薔薇夜月明中年哀樂絲竹聲
樂事何須隱兒輩女妓豈必非蒼生一生當著幾緇屐
著帽無煩更著幘靜鎮羣倫王導風潛銷異志桓溫客
符堅百萬軍淮肥聲色不動安邊陲料敵如神一局棋

疎簾晝敞軍書馳遊山之屐齒忽折明日新城宴重設
衣冠未許效空談邱壑終應讓前哲後來康樂亦風流
同樂未必能同憂祇今洗屐池邊水潺湲和涕哭西州

西魏樂府四首

王思飯

洛陽城西天子氣黑氈蒙拜纔三歲天柱將軍專廢置
跣而下殿應象緯六軍親總次河橋百牛犒士渡函峽
鞭馬長驚糗漿絕從官飲水帝腹枵王思村有薄沱麥
稠桑之民同獻食租稅湖城復十年豈識長安皆菜色

從而遷者僅萬人太倉儲粟無擔石黑獺解貪迎帝功
御騎西上河流東斷索焦梨民識起入懷明月朱門空
都督抽刀思故主將軍東伐敵心沮關中饑饉已連年
持糧不念士卒苦逍遙但記華林事那見豆粥思馮異
波斯騶躡醜酒來初登于天後入地草堂佛寺殯宮新
一盂麥飯薦何人不共諸王匿田舍賣我應怨斛斯椿

麥積雲

親迎車千乘東向開幕席塞上灼灼花出自蠕蠕國婚
媾豈獲已重勢匪重色敵騎不易防佳人亦難得佳人

來敵騎催乙弗氏女長門迴秦州別館尚嫌猜珠衣繡
篋不曾開禮佛長虛玉鏡臺萬衆何惜一女子毋滋物
論慰將士常侍手救出宮中大義割情竟賜死麥積龕
不同穴二叢雲滅復出不作怨女飛霜雪白練彌霄蔽
皎日但願至尊享國千萬年妾經溝瀆亦何恤君不見
瑤華殿上犬聲猶少陵原外梓宮折

沙苑樹

沙苑之戰何雄哉三日館穀士銜枚敖曹百萬軍如雷
熊羆當道不敢來白棒一呼示必死以少擊多敵披靡

偃戈葭蘆聽鼓聲鐵騎蕭蕭渡渭水獬狗噬人誰能制
黑獺之威真可畏指麾幕府氣凌雲翩聯一十二將軍
左拒右拒背水陣蒲津棄甲山同峻長安奏凱獻生俘
旌功詔樹柳千株未封鯨鯢築京觀勝鑄驤曩標銅模
升天不至占夢逢終恢魏室攘羣凶登隴刻石彰偉績
何用行人灞上紀春風異日長條拂十圍樹猶如此事
已非黑氣之祥竟應陀羅尼河曲之柳曾見御馬歸

江陵火

龍光殿講老子枇杷門督戰士御史中丞作降表天子

巡城詩句好，韜于文學愧。武夫亡國正，坐多讀書能。
資治亦可寶，莫悔焚之不及早。玉節金鉦臨漢水，深宮
盡日親圖史。四方多難誤虛談，誰云識字憂患始。敵騎
如飛鳳掖愁，芙蓉閣上玉煙浮。咸陽而後禍更烈，十四

萬卷無人收。文武之道墜於地，聯璧遺編不可求。

簡文
帝有

元帝法寶
聯璧序

昔日青絲壽陽來，今日白馬東門開。士林館

散已成灰，龍文擊柱聲哀哀。玉尺銅儀不足惜，埋金未
信主衣側。南風絕唱西陵悲，寂寞軒臺賦幽逼。樓閣殘
基，弔渚宮綠窗朱戶閉。春風七瑞碑文何處覓，金樓一

卷剩湘東

贈王於聖

醫者殺人無死律
王生著手有春風
刀圭自劑活窮餓
談笑時來偕老翁
舫泊清江花藥紫
家圍白嶽橘柑紅
聽聲信是天生骨
莫向靈樞問塞通

題阿雨窗導山別墅圖時雨窗將入都

一曲湖邊萬疊青
小滄浪後有斯亭
君在濟南構小滄浪
熬波注

罷元虛賦十里湖聲枕上聽

山陰古道蔚雲霞
霜葉初紅菊有花
柳外一雙鴻影度

脫衣散帙正休衙

倉皇豈築百金臺
小住爲佳亦快哉
一箇奚囊一壺酒
白雲深處使君來

思君日日如流水
憶我年年看導山
願化嵐光隨畫本
過雲相訪御風還

湖上看紅葉

秋容西子淡逾奇
幻出千山蛺蝶枝
灑灑不隨寒雨下
瀟瀟偏愛夕陽遲
孤雲野鶴飛歸處
一笠山僧獨往時
西顛憑誰挽
生意臨安萬樹發華姿

安瀾園二首示陳錫治三

綠野堂開許共尋風煙喬木晚蕭森
水流曲折隨廊轉竹色玲瓏罩屋深
近市一隅收海氣安瀾萬古契

天心承平相業今何在畱取雲林入

睿吟

本名
隅園

條條泉石有餘清人與堂高樹更榮
按部偶尋塵外賞題詩忽動渭陽情
地幽大可安琴硯系舊能無念笏纓
如此園亭容我住隔簾來聽讀書聲

登尖山作歌

仙風吹我上籃輿插脚峭壁搖空虛縮地全圖控於越
長天縱目無東吳自古東南號澤國海寧一州亘西北
塔山翠堵小於拳勢拱尖山展其翼二百丈壩築蟬聯
白虬掉尾交蜿蜒捍衛錢江百萬戶厥賦上錯多桑田
編竹爲篋實以石

聖謨煌煌資孽畫手障百川東注之海若天吳俱辟易
雁齒樁排飲斷虹魚鱗櫛比崇如塘鑄犀事擬蜀江守
伐石聲震馮夷宮吐吞八閩界兩浙島外萑苻心膽折
珊瑚網絡鐵鎖長大舸峩峩不敢軼憶昔海嘯石墩寒

袁花塘外浪如山強弩三千迴武肅鐵符十道下鹽官
祇今萬里雲開鏡水不揚波紫氛淨熬雪竈分濃淡煙
弄潮兒識盈虛性浴日摩盪扶桑津晚來月色鎔濕銀
欲呼萬怪發寶藏漏卮填取鬼神噴是時霜落天心肅
鞭起蛟龍氣搗服直將咳唾霑十州不怕波濤撼雙足
龕赭虛沙沒舊痕坐看衆派趣中壘南埒北漲萬萬頃
太倉稊米安足論彷彿置身貝珠闕倒影恐被蜃氣掣
抽帆貼水水貼天指點江南青一髮却思三載職河干
沙嶼茫茫遜此寬黃河九曲沙杯杓洪澤周遭等鮑桓

茲山立馬邀

萬乘海闊天空

額

御題

天語稱歸夢潮音枕上聽從今不數西湖勝

李春麓觀察歸養得請詩以志喜兼錄別思二

首

海甸風清獬豸冠西湖一勺飲波寒避人左掖嘗焚草
將母南陔獨采蘭罨畫江山行按部板輿花柳自承歡
慈雲願護長春樹召伯甘棠一律看

截髮官齋記速賓母賢子孝一家春不疑斷獄慈顏動

令伯陳情孺慕眞舞換萊衣初服遂詞填樂府白華新

春麓工填詞

鵲山秋色珠泉水定向西風憶故人

春林歸翼圖爲春麓賦

有鳥生秦岱其名爲孝鳥翹足日五色飛上

天子都一鳴六合曉凡禽皆喞喞將母蒞於越羽潔行
于于慈雲覆鴉背孝竹蔭江湖饑不食腐鼠倦不棲惡
樗海國地卑濕厥土爲泥塗尊鱸動秋興睠焉懷傲廬
回憶舊巢樹風雨護靈雛朝爲牖戶計夕爲鴟鳥驅荻
燼雪痕在枝高霜月枯手口盡瘡瘁槭槭飄庭梧鶻啼

繼以血鶴唳求其孥子以母爲命母行子必俱山川豈
不戀信美非吾居稻梁豈不好惜此春日舒翱翔柏臺
上反哺歎有餘出則比鸞鳳入則依菰蒲一行渺天末
九點煙糝糊瀾瀾濟源水歷歷青原蕪八座問鄰里城
上尾畢逋舍館顧而笑繞宅扶籬輿風煙長喬木白髮
對蕭疎先生推屋愛雁序趨庭隅惻惻我心疚三復歸

林圖

題胡維君環山圖二首

環山在桐城治西十里
爲維君先祖伯玉參政

歸隱別墅有尋壑處洗耳亭白雲隈
鹿遊山房石門飛瀑荷蕝草堂諸勝

攬取瑯環萬點青龍眠江上一茅亭但看畫史圖山色

那識先生注水經

雜君有記

負郭無田硯可鋤有孫終日獲經畬人閒歲月深山好
抱犢高歌自著書

雪後出錢塘門二首

結隊出山城萬蟻緣玉甕瓦屋寒光積天風鼓以動炊
煙一縷生遠與孤鴻送見峴山陽消白雲補其空飛上
兩高峰遙天騎白鳳

梅塢探梅信麥嶺觀麥苗寒林淡斜日野樵出山椒湖

水皓已結馬行嘶不驕人謂採詩料我欲聆風謠田家
炊餅大飯甕歌春朝

曉渡錢江

立馬日初升寒江宿霧澄潮聲迴北岸津鼓送西興羅
刹名曾識危檣客獨乘會稽山在眼一髮露峻嶒

文靖讀書處

吾祖經行地高蹤詎可攀衣冠拜遺像絲竹自青山帝
室艱難日臣心水石間蒼生憂不起空羨白雲閒

新昌道中

一徑竹筵凭篝燈亂曙星霜含松氣白雲壓麥苗青灘
淺篁編筏城凹石作屏鼓山如蒼響傳柝剡東亭

望天台二首

蓮華吹不去瀑布凍還飛竹窠珠簾洞層層玉女扉此
中有佳境何日息塵機梵唄從空落精藍掩翠微

古澗削寒玉天風吹紫笙連峰雲不斷昨日雪初晴捲
幔通瑤闕高標辨赤城空懷孫綽賦擲地作金聲

小除日曠縣舟中

落日淡江濱停橈問俗殷四圍天欲雪一片水生雲燈

火呼鄰里糕餈祀竈君年豐民氣樂欲竝獻書焚

山陰晚泊

王事馳驅亟非因訪戴行嵐光衣欲濕竹色翠相迎
戍角海邊靜漁燈江外明雲霞望不極沉復雪霜清

西興驛

古驛千家聚勞勞客送迎潮來天地接雪後海山清
鬢改殘年暮人行十日程

是役也匪旬歲事

沙河燈市開遙指武

林城

送阿雨窗入都四首

湖光與我寫同心半載蘭言愜素襟吳越蒼生歌樂利
海山元氣納高深塵緣暫息依葵藿長物無多挾研琴

退食評花饒韻事看君袍笏墨痕侵

君輯花
評一書

聽鼓官衙記識君南轅北轍帳離羣十年舊夢揚州月
兩袖新詩秦岳雲聯舫白堤秋正晚坐題紅葉日初曛

和予湖上
紅葉之篇承

恩別有高枝借驚起鷓鴣行翼又分

交情宦誼兩相關王事無辭任巨艱量海舟橫明月渡

吟秋筇倚夕陽山

君勘地至龕山有舟行開
化寺秋在夕陽山之句

浙西但許

三年住薊北寧容十畝閒醜酒臨江莫辭醉潮聲不到

潞河灣

笛裏梅花帶雪霏六橋楊柳故依依看山野墅人初去

待鶴秋林客未歸

君有導山別墅
秋林待鶴二圖

樂府徵歌鹽昔昔同

官惜別馬駢駢仙舟獨羨青蓮共兩朵慈雲夾棹飛

同時

李春麓觀察歸養得請而
君亦奉太夫人北行也

題阿雨窗詩冊後

越水稽山繫我思長城五字寫烏絲試披甘幅煙雲懣

如見三秋菼憩時紫陌鶯巢隣上苑

君住東
華門側

寒江鷗夢

憶南枝數行題罷歸行篋千里依依落月隨

乙卯新正二日聖因寺行禮遇雪恭紀

映山黃帽放湖船夾道鷓班似日邊月管尚遲春半

月上元日
立春

天花忽散佛諸天梅香吹作林閒霧山色輕

籠水上煙 朵殿沾衣親授簡江南回首廿三年

題凌次仲校禮圖卽送之寧國教授之任

禮經苦難讀誰能抉奧義三禮旣竝稱二戴乃偏棄陋
儒東高閣餘唾拾文字千載抱殘闕先生有篤嗜茹古
等珍羞挑燈忘寢寐校讎十七篇釋名編十二話言及

器樂七者循舊例其五出心裁服饌官容位考證附于
後旁通六籍備劉黃補疎漏鄭賈訂同異壯年成進士
羞爲刀筆吏寒氈就一官捧檄成夙志宣城山水郡北
樓我所識敬亭拓精廬課士啟經笥古松流水閒聚訟
決羣議麈尾清風來帶草媚青翠道術湛以深德容婉
而睟雄文六朝跨餘子三舍避學士盧抱經同好若笙
吹爲君序卷端欸欸敦古誼絲蕞我未嫻披圖發深媿
遙知萬世後傳者非聊取

夢蘇草堂歌爲馮星實同年賦

坡公昔共卯君夢悵望風雨連牀聽夢中又作神仙語

閉門鼻息燈熒熒

東坡夢與人論神仙道術呈子由句云照夜一燈長耿耿閉門千息自濺

濺今君寤寐二蘇合曠七百載同精靈頽上毘陵各羈

旅何由接跡君之庭得非玉局託讎校辦香脈脈通窈

冥次公知心感同氣似爲將命詞丁寧牽帷欲入不肖

入戶外鐵杖敲瓏玲君方蹋壁苦吟倦莊蝶栩栩呼不

醒想當東華僦直後藜光夜燭藤花廳退食一編顧施

注丹黃點筆無畱停載書歸傲十弓地棗木剗刷流芳

馨公之元氣塞天地築堤此郡傳圖經控鶴曾吹赤壁

笛訪梅亦放西湖舫翩然而下不可執得其神妙非丹

青吾師舊藏宋槧本卷端繪像兼作銘我家潭上繫公

姓石坊遺步畱前型

翁覃溪師得宋板施注蘇詩顏齋曰寶蘇余家小園曰蘇潭以蘇步

坊得名也

蕉鹿緣慳不一遇空中忽現飛仙形峩嵒山下兩

詩老恍隨古月窺窗櫺堂本無堂夢非夢但見帶草輝

春星注就質翁定一笑足音重到關母扇

雲棲勸農二首

樹密碧萋萋人行卷畫溪和歌花柳塢水利白蘇堤纒

雪蠶重繭鋪鉞稻一畦竹深僧不見窳堵認招提

吾民樂耕鑿何處著萑苻閩越風煙雜山川氣候殊桑
麻無隙地樹藝有良模欲雨催歸騎鳴鳩隔葉呼時台
州有

閩盜
初靖

樂蓮裳自都過杭養疴湖上出蓮隱圖索題四

首

紫陌歸來席帽偏軟紅不染菱衣鮮維摩示病拈花笑
萬頃西湖六月天

詩裏飛仙畫裏禪蓮花洋畔溯青蓮潭溪師
題句旁人誤認
歸田賦一棹香風汝水邊

後起吾鄉數蘭雪同時二妙得蓮裳因君一夜花樓夢

吹到匡廬白社旁

君有夢花樓

老我耽詩尚苦吟天然五字紹遺音三更風露無人語

水月廊深萬古心

鏡花水月廊蘇源種荷處也

題張西圃方伯納涼圖遺像

銀塘六月柳絲碧荷氣薰人眠不得撚髭一笑軟塵空

草澤風流寄安石堆案如山汗如雨雪藕調冰不知暑

酷吏已去故人來茶煙初上日亭午廿載甘棠憩越州

召公遺澤至今昭

方伯曾爲杭州守令嗣穆菴今督儲兩浙

蘇堤花柳覓行

跡白石清泉生暮愁
棋範老成我未識
觀察丰裁叨接
席疎簾清簟坐談時
恨不同爲畫中客

莊保吟

我行禦兒鄉父老
訴荼苦云曾充地保
不得安樂土本
非在官人終日赴
官府朝納上頭錢
夕爲東道主吏胥
下鄉來而頰怒如
虎催科惟我貸酒
食惟我取不敢籍
富豪大都點愚魯
中人十家產殷戶
變貧戶浙東曰莊
長名異實則同僉
名及雋秀流禍尤
無窮青衿弟子員
不得居巖宮縣令
來勘事應役聽晨
鐘興徒築水利馨

鼓催萼萼春夏廢絃誦豈但荒耕農騷擾及鷄犬涕淚
霑心胸聆汝言娓娓感我心惻惻興利未敢詡除害實
所職我自田閒來每歲防蝨賊蝨賊偶一逢此患何時
息由單用滾催且不煩追迫何況有業民安能走阡陌
府史胥徒外伊誰創此役俗吏狂因循孰肯破成格申
章告大吏同心賴同德

謂署臬司
秦小峴

中丞

謂吉有
齋先生

曰盡哉

是宜永禁革牧馬去其害養木除其棘春風吹萬屋如
病祛肝膈蠹吏聞之懼令下復藏匿良民喜且憂官遷
恐變易治浙著成規此例登簡冊我將赴晉陽祖餞開

瑤席作詩告後來大書鐫樂石

吾師方伯謝公嘗有論唐詩絕句一百首近讀全宋詩
又得論詩絕句二百首選言居要記事鉤元灑灑乎指
大雅之音子輿氏言誦其詩讀其書不知其人可乎公
之誦詩而論世殆與史學相表裏歟夫論詩莫盛於遺
山而少陵集中不廢江河別裁僞體諸詩實開其先少
陵號稱詩史而公之論詩卽公之所以論史公之論史
亦卽公之所以爲政公固不僅以詩見也論唐絕句已
編於前因請編論宋絕句於補史亭草後以寓詩通於
史之義補史亭草者公補西魏書時之所作也抑公前

後所作詩甚夥凡所論古人詩雖散見各編要皆可以
詩史例之云嘉慶三年秋七月受業仁和邵志純謹識